

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-0-Su-23-000569
Brčko, 06.10.2023. godine

**PLAN ZA BORBU PROTIV KORUPCIJE
2023-2024. GODINA**

Brčko, oktobar 2023. godine

U skladu sa Strategijom za borbu protiv korupcije Brčko distrikta Bosne i Hercegovine 2022-2024. („Službeni glasnik Brčko distrikta BiH“, broj: 43/22), usvojenom od strane Skupštine Brčko distrikta Bosne i Hercegovine, sa ciljem realizacije specifičnih mjera iz Akcionog plana za provođenje Strategije za borbu protiv korupcije, predsjednik Apelacionog suda Brčko distrikta Bosne i Hercegovine, donosi

PLAN ZA BORBU PROTIV KORUPCIJE 2023-2024. GODINA

UVOD

Statutom Brčko distrikta Bosne i Hercegovine - prečišćeni tekst („Službeni glasnik Brčko distrikta Bosne i Hercegovine“, broj 2/10 - u daljem tekstu: Statut Distrikta), članom 66 propisano je da je sudstvo Distrikta nezavisno i nepristrasno, a čine ga Osnovni sud i Apelacioni sud, da sudovi Distrikta sude nepristrasno u skladu s odlukama Arbitražnog tribunala za spor oko međuentitetske linije razgraničenja u oblasti Brčkog i nalozima supervizora koji su doneseni u skladu sa tim, Ustavom i zakonima Bosne i Hercegovine, ovim statutom i zakonima Distrikta, sudovi Distrikta imaju opću nadležnost. Osnivanje, organizacija i nadležnost sudova Distrikta utvrđuju se zakonom.

Zakonom o sudovima Brčko distrikta Bosne i Hercegovine -prečišćen tekst („Službeni glasnik Brčko distrikta BiH“, broj: 18/20) u članu 3. propisano je da su sudovi nezavisni i samostalni od zakonodavne i izvršne vlasti, da niko ne smije uticati na nezavisnost i nepristrasnost sudije pri odlučivanju u predmetima koji su mu dodijeljeni u rad, a da sudovi u svom radu postupaju nezavisno i nepristrasno, blagovremeno i efikasno, a članom 4. da se osnivaju i ukidaju zakonom.

Nadležnosti Apelacionog suda Brčko distrikta Bosne i Hercegovine

Članom 22. Zakona o sudovima Brčko distrikta Bosne i Hercegovine definisana je nadležnost Suda, kako slijedi:

1. odlučuje o redovnim pravnim lijekovima izjavljenim na odluke Osnovnog suda.
2. odlučuje o vanrednim pravnim lijekovima izjavljenim na pravosnažne sudske odluke.
3. ocjene ustavnosti zakona
 - a) Sudovi Distrikta mogu pokrenuti postupke pred Ustavnim sudom Bosne i Hercegovine u skladu sa članom VI 3.c Ustava Bosne i Hercegovine i odgovarajućim propisima kojima je regulisan rad Ustavnog suda Bosne i Hercegovine;
 - b) U postupcima koji se vode pred sudovima Distrikta, u slučajevima kada se pojavi pitanje koji je predmet iz nadležnosti Ustavnog suda Bosne i Hercegovine, u skladu sa članom VI 3.c, a koji je u vezi sa statusom i ovlaštenjima Brčko Distrikta, Sud pokreće postupak koji je propisan tačkom a) ovog stava;
 - c) Postupcima koji se vode pred Sudovima Distrikta u kojim je Distrikt jedna od strana, kada se pojavi pitanje koje je predmet iz nadležnosti Ustavnog suda Bosne i Hercegovine u skladu sa članom VI 3.c Ustava Bosne i Hercegovine, a koje u vezi sa

statusom i ovlaštenjima Brčko Distrikta, na zahtjev Distrikta sud odmah pokreće postupak propisan tačkom a) ovog stava;

d) Ukoliko je postupak pokrenut u skladu sa tačkom b) ili c) ovog stava, sudovi Distrikta će tražiti od Ustavnog suda Bosne i Hercegovine da donese privremene mjere spornog zakona dok Ustavni sud Bosne i Hercegovine ne donese konačnu odluku, ukoliko je to neophodno da se zaštite status i ovlaštenja Brčko Distrikta;

e) Odredbama o ocjeni ustavnosti zakona se ni na koji način ne narušava pravo strana da ulože žalbu Ustavnom sudu Bosne i Hercegovine na presude sudova Brčko Distrikta u skladu sa Zakon o sudovima Brčko distrikta Bosne i Hercegovine i članom VI 3.b Ustava Bosne i Hercegovine i odgovarajućim propisima kojima je regulisan rad Ustavnom suda Bosne i Hercegovine.

4. Usklađenost pravnih akata

Sudovi Distrikta nadležni su da odlučuju:

- a) da li je bilo koji zakon Distrikta, podzakonski akt ili bilo koji drugi pravni akt bilo koje institucije Distrikta u skladu sa Statutom;
- b) da li je bilo koji podzakonski akt Distrikta ili bilo koji drugi pravni akt bilo koje institucije Distrikta u skladu sa bilo kojim zakonom Distrikta;
- c) o sukobu nadležnosti između sudova Distrikta i druge institucije Distrikta ili između institucija Distrikta u skladu sa Statutom.

Apelacioni sud Brčko distrikta Bosne i Hercegovine ima sjedište u Brčkom, ul. Trg pravde br. 12.


Poslove iz nadležnosti Suda obavljaju predsjednik, sudije, službenici i namještenici.

Predsjednik Suda predstavlja Sud pred drugim organima i institucijama, odgovoran je za rukovođenje i nadzor nad cjelokupnim radom Suda i sudske uprave, a imenovaće drugog sudiju koji će vršiti dužnost predsjednika u njegovoj odsutnosti.

Organizaciona struktura Suda utvrđena je Zakonom o sudovima Brčko distrikta Bosne i Hercegovine i Pravilnikom o unutrašnjoj organizaciji i sistematizaciji radnih mjesta u Apelacionom sudu Brčko distrikta Bosne i Hercegovine (broj: 097-0-Su-19-000403 od 27.05.2019. godine), te Pravilnikom o izmjenama i dopunama Pravilnika o unutrašnjoj organizaciji i sistematizaciji radnih mjesta u Apelacionom sudu Brčko distrikta Bosne i Hercegovine (broj:097-0-Su-20-000485 od 30.09.2020. godine).

Tehničko-računovodstvene, poslove informacione tehnologije, stručne i administrativne poslove za potrebe pravosuđa obavlja Stručna služba Pravosudne komisije.

Organigram Apelacionog suda Brčko distrikta Bosne i Hercegovine



POJMOVI

Definicija korupcije

Korupcija je „svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili opštinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita“.

Prevenција korupcije

Prevenција korupcije podrazumijeva planski osmišljene, organizovane i preduzete mjere i aktivnosti kojima se nastoje ukloniti ili smanjiti direktni i indirektni uzroci koruptivnog ponašanja. Prevenција se dijeli na situacijsku (javlja se u svakodnevnoj situaciji, te obično uključuje samo dvije osobe i predstavlja jednokratani proces) i socijalnu (sastoji se često od mreže korupcija, zasnovana je na dugoročnom planiranju, te je relativno stabilan sistem koji uključuje više osoba). Situacijska podrazumijeva nastojanje da se eliminišu situacije u kojima se dešava korupcija, a socijalna predstavlja sastavni dio ukupne razvojne strategije i obuhvata mjere socijalne, ekonomske, pravne, obrazovne, i drugih politika, odnosno uključivanje cjelokupnog društva u smanjenje ove pojave.

Iako je naročito važno, sankcionisanje korumpiranih javnih službenika nakon što su izvršili korupciju („*ex post*“) je reaktivna strategija koja se provodi nakon što je šteta napravljena, odnosno nakon što djelo korupcije postane činjenica. U skladu sa navedenim neophodno je uspostaviti adekvatne programe za prevenciju korupcije, kojima će se osigurati edukacija i stručno osposobljavanje svih, kako bi se zaštitilo društvo i minimalizirali efekti korupcije.

Koordinacija

Koordinacija je ujednačeno funkcionisanje dijelova cjeline koje daje efektivne rezultate. U organizaciono-menadžerskom smislu, koordinacija predstavlja aktivnost upravljanja pojedincima, međuzavisnim organizacijama ili dijelovima organizacije. Borba protiv korupcije uključuje angažman velikog broja aktera različitog karaktera, što podrazumijeva inkluzivan i sveobuhvatan pristup, koji može uzrokovati nesistematičnost i manjak koordinacije između njih. Takvi nedostaci, naročito, mogu doći do izražaja u nepovezanom djelovanju, u smislu vremena preduzimanja određenih aktivnosti i shvaćanja smisla i načina njihovog provođenja.

Integritet i odgovornost

Integritet označava cjelovitost, odnosno sveobuhvatnost ili potpunost. U psihološkom i etičkom značenju integritet je sveobuhvatnost i čvrsta povezanost karakternih osobina, odnosno sklad između sposobnosti, vrijednosnih stavova, interesa, navika i motiva ličnosti. U moralnom shvatanju, integritet podrazumijeva poštenje, dosljednost, predvidljivost i odgovornost. Integritet u profesionalnom ponašanju podrazumijeva da u instituciji postoje razrađena pravila koja regulišu primjenu standarda profesije.

Odgovornost u radu sastoji se u odgovornom obavljanju profesionalnih poslova i podrazumijeva istinoljubivost, tačnost, poštenje, nepristrasnost, pravednost, disciplinu, racionalnost, efikasnost, uljudnost, pridržavanje zakona i propisa, eliminisanje bilo kojeg oblika diskriminacije.

Sukob interesa

Sukob interesa je pojava u kojoj izabrani zvaničnici, nosioci izvršnih funkcija, savjetnici imaju privatni interes koji utiče ili može uticati na zakonitost, transparentnost, objektivnost i nepristrasnost u obavljanju javne funkcije.

Transparentnost

Transparentnost je esencijalna karakteristika dobrog upravljanja i način prevencije zloupotrebe moći u javnom sektoru, vodiča ili set pravila, preko kojih se provode akcije.

STRATEŠKI OKVIR U BORBI PROTIV KORUPCIJE BRČKO DISTRIKTA BOSNE I HERCEGOVINE

Strateški dokumenti u borbi protiv korupcije Brčko distrikta Bosne i Hercegovine su:

- Strategija za borbu protiv korupcije u Brčko distriktu Bosne i Hercegovine 2022.-2024. godina i
- Akcioni plan za provođenje Strategije za borbu protiv korupcije u Brčko distriktu Bosne i Hercegovine 2022.-2024. godina.

Plan za borbu protiv korupcije podrazumijeva set mjera i aktivnosti usmjerenih na prevenciju korupcije s ciljem sprečavanja korupcije u Apelacionom sudu Brčko distrikta Bosne i Hercegovine, prijavu svih slučajeva korupcije, kao i podizanje svijesti zaposlenih o rizicima

korupcije. Plan uključuje set mjera i aktivnosti usmjerenih na realizaciju prvenstveno Strategije za borbu protiv korupcije 2022-2024. godina i pratećeg Akcionog plana.

Opšti ciljevi Strategije za borbu protiv korupcije 2022-2024. godina

Opšti ciljevi definisani Strategijom su:

„U Brčko distriktu BiH ustanoviti prioritete na planu prevencije korupcije i borbe protiv korupcije, principe i mehanizme zajedničkog djelovanja svih subjekata provođenja, te stvoriti, odnosno unaprijediti pretpostavke za smanjenje stvarnog i percipiranog nivoa korupcije i afirmisati pozitivne društvene vrijednosti poput integriteta, odgovornosti i transparentnosti, Adekvatna prevencija i borba protiv korupcije u Brčko distriktu BiH će se osigurati koordiniranim i sistemskim pristupom svih nivoa vlasti i uspostavom institucionalnog okvira i jačanja svih institucija“.

Strateški ciljevi:

- prevencija korupcije,
- suzbijanje korupcije,
- razvijanje svijesti o štetnosti korupcije i saradnja sa civilnim društvom,
- koordinacija, monitoring i evaluacija antikoruptivnih aktivnosti.

NORMATIVNI OKVIR U BORBI PROTIV KORUPCIJE BRČKO DISTRIKTA BOSNE I HERCEGOVINE

Zakoni koji direktno ili indirektno reguliraju oblast borbe protiv korupcije u Brčko distriktu Bosne i Hercegovine su:

- **Zakon o zaštiti lica koja prijavljuju korupciju** („Službeni glasnik Brčko distrikta BiH”, broj:25/18);
- **Zakon o uredu za prevenciju i koordinaciju aktivnosti na suzbijanju korupcije** („Službeni glasnik Brčko distrikta BiH”, broj:25/18);
- **Zakon o sprečavanju sukoba interesa u institucijama Brčko distrikta Bosne i Hercegovine** („Službeni glasnik Brčko distrikta BiH”, broj: 4/21);
- **Zakon o službenicima i namještenicima u pravosuđu Brčko distrikta Bosne i Hercegovine** -prečišćen tekst („Službeni glasnik BiH”, broj: 13/23);
- **Zakon o slobodi pristupa informacijama u Bosne i Hercegovine** („Službeni glasnik BiH”, broj: 28/00, 45/06, 102/09 i 62/11, i 100/13);
- **Krivični zakon Brčko distrikta Bosne i Hercegovine** -prečišćen tekst („Službeni glasnik Brčko distrikta BiH”, broj: 19/20);
- **Zakon o krivičnom postupku Brčko distrikta Bosne i Hercegovine** („Službeni glasnik Brčko distrikta BiH”, broj: 33/13 i 27/14);
- **Zakon o finansiranju političkih stranaka iz budžeta Brčko distrikta Bosne i Hercegovine** („Službeni glasnik Brčko distrikta BiH”, broj: 29/04 i 14/07);
- **Izborni zakon Brčko distrikta Bosne i Hercegovine** („Službeni glasnik Brčko distrikta BiH”, broj: 17/08 i 43/08);
- **Zakon o javnim nabavkama** („Službeni glasnik BiH”, broj: 39/14);
- **Zakon o sprečavanju pranja novca i finansiranja terorističkih aktivnosti** („Službeni glasnik BiH”, broj: 47/14 i 26/16);
- **Zakon o Visokom sudskom i tužilačkom vijeću Bosne i Hercegovine** („Službeni glasnik BiH”, broj 25/04, 93/05, 15/08 i 63/23).

Krivičnim zakonom Brčko distrikta Bosne i Hercegovine (Glava XXXI) su određena koruptivna krivična djela kao djela podmićivanja i krivična djela protiv službene i druge odgovorne dužnosti, a to su:

- Primanje dara i drugih oblika koristi;
- Davanje poklona i drugih oblika koristi;
- Primanje nagrade ili drugog oblika koristi za trgovinu uticajem;
- Davanje nagrade ili drugog oblika koristi za trgovinu uticajem;
- Zloupotreba položaja ili ovlasti;
- Nezakonito pogodovanje;
- Pronevjera;
- Prevara u službi;
- Posluga;
- Nesavjestan rad u službi;
- Odavanje službene tajne;
- Krivotvorenje službene isprave;
- Protivzakonita naplata i isplata;
- Protivzakonito oslobođenje lica kome je oduzeta sloboda;
- Protivzakonito prisvajanje stvari pri pretresu ili izvršenju.

Međunarodni dokumenti u oblasti borbe protiv korupcije

Najznačajniji međunarodni dokumenti u oblasti borbe protiv korupcije, potpisani i ratifikovani od strane Bosne i Hercegovine su:

- Krivičnopravna konvencija protiv korupcije;
- Građanskopravna konvencija protiv korupcije;
- Konvencija Ujedinjenih nacija protiv transnacionalnog organizovanog kriminala sa tri pripadajuća protokola;
- Konvencija Ujedinjenih nacija protiv korupcije;
- Konvencija o pranju, traganju, privremenom oduzimanju i oduzimanju prihoda stečenih krivičnim djelom.

PLAN ZA BORBU PROTIV KORUPCIJE 2023.-2024. GODINA

Plan za borbu protiv korupcije 2023.-2024. odražava strateško opredjeljenje Apelacionog suda Brčko distrikta Bosne i Hercegovine za efikasnu prevenciju korupcije, te na operativnom nivou, definiše set mjera i aktivnosti s ciljem postizanja očekivanih rezultata.

Vremenski okvir plana

Plan za borbu protiv korupcije 2023-2024. odnosi se na period od dana usvajanja do kraja 2024. godine čime se osigurava poveznica sa vremenskim rokovima predviđenim za provođenje aktivnosti iz Akcionog plana.

Provođenje Plana borbe protiv korupcije

Da bi Plan za borbu protiv korupcije mogao da dovede do potpune realizacije aktivnosti neophodno je uspostaviti efikasan mehanizam za njegovo provođenje i koordinaciju rada službi s ciljem praćenja realizacije aktivnosti u praksi i periodične evaluacije ostvarenih rezultata.

Za realizaciju aktivnosti koje spadaju u djelokrug rada nekog od pojedinačnih odjeljenja unutar Suda, zaduženi su predsjednici tih odjeljenja ili odgovarajuće stručno osoblje na čelu sa predsjednikom odjeljenja.

Implementacija cjelokupnog Plana odvijaće se pod nadzorom predsjednika Suda.

Predsjednici odjeljenja i sekretar Suda će periodično pratiti napredak u provođenju aktivnosti, predsjedniku Suda predlagati mjere kojima bi se uklonili ili umanjili nedostaci, te identificirati nove elemente koji bi se mogli ugraditi u postojeće ili nove strateške mjere s ciljem što efikasnije prevencije korupcije.

Dakle, zaduženja su:

- Inicijator i koordinator provođenja aktivnosti (predsjednici odjeljenja Suda),
- Implementator aktivnosti i izvještavanje (svi zaposleni),
- Monitoring provođenja (predsjednik Suda, predsjednici odjeljenja, sekretar).

Finansijska projekcija implementacije Plana za borbu protiv korupcije

Za realizaciju aktivnosti iz Plana za borbu protiv korupcije nisu nužna posebna budžetska izdvajanja, nego će se aktivnosti iz Plana realizovati u okviru postojećih budžetskih sredstava institucije.

Rizici u implementaciji Plana za borbu protiv korupcije

Kada je u pitanju provođenje Plana borbe protiv korupcije, eventualni rizici u provođenju, a koji bi mogli uticati na njegovu uspješnu implementaciju, bi bili:

- Nedovoljna angažovanost subjekata provođenja;
- Nedostatak finansijskih i drugih resursa;
- Nedostatak sistematičnosti i koordinacije.

Proaktivni monitoring implementacije Plana za borbu protiv korupcije

Proaktivni monitoring provođenja Plana podrazumijeva preduzimanje kontinuiranih aktivnosti na praćenju i evaluaciji stepena implementacije pojedinačnih programa i aktivnosti. Svrha praćenja i evaluacije nije samo prikupljanje podataka o napretku ili neuspjesima u provođenju aktivnosti na planu suprotstavljanja korupciji, nego i preduzimanje mjera kako bi se uklonili ili umanjili nedostaci, te identifikovali novi elementi koji bi se ugradili u postojeće ili nove aktivnosti s ciljem što efikasnije prevencije korupcije u Apelacionom sudu Brčko distrikta Bosne i Hercegovine.

6. Tabelarni pregled aktivnosti za provođenje Plana za borbu protiv korupcije 2023-2024. godina

| Broj/mjera | Aktivnost | Provodioci | Rok za provođenje | Indikator uspješnosti | Potrebni resursi |
|-------------------|--------------------------------------------------------------------------------------------------------------------------------------|------------------------------------|----------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------|-------------------------------------------------------------|
| 1. | Usvajanje vlastitog Plana borbe protiv korupcije na temelju Akcionog plana za provođenje Strategije za borbu protiv korupcije Bd BiH | Apelacioni sud Brčko distrikta BiH | Trideset dana od dana donošenja Jedinstvenih smjernica za izradu planova za borbu protiv korupcije u organima javne uprave i institucijama Brčko distrikta BiH | Kreiran i javno objavljen Plan borbe protiv korupcije na web stranici Suda | Raspoloživi resursi u skladu sa funkcionalnim nadležnostima |
| 2. | Izrada Plana integriteta u Apelacionom sudu Brčko distrikta BiH | Apelacioni sud Brčko distrikta BiH | Prva godina provođenja Strategije | Kreiran i javno objavljen Plan integriteta | Raspoloživi resursi u skladu sa funkcionalnim nadležnostima |
| 3. | Imenovanje kontakt osobe i zamjenske kontakt osobe | Apelacioni sud Brčko distrikta BiH | Prva godina provođenja Strategije | Imenovana kontakt osoba i zamjenska kontakt osoba ispred Apelacionog suda Brčko distrikta BiH i o tome obaviještena Kancelarija za prevenciju korupcije i koordinaciju aktivnosti na suzbijanju korupcije Brčko distrikta BiH | Raspoloživi resursi u skladu sa funkcionalnim nadležnostima |

| | | | | | |
|----|---------------------------------------------------------------------------------------------------------------------------------------------------|--------------------------------------------------------------------------------------------------------|-----------------------------------|-----------------------------------------------------------------------------------------------------------------------------------------------------------------------------|-------------------------------------------------------------|
| 4. | Donijeti Pravilnik o internom prijavljivanju korupcije i zaštititi lica koja prijavljuju korupciju u Apelacionom sudu Brčko distrikta BiH | Apelacioni sud Brčko distrikta BiH | Prva godina provođenja Strategije | Apelacioni sud Brčko distrikta BiH je usvojio Pravilnik o internom prijavljivanju korupcije u Apelacionom sudu Brčko distrikta BiH i isti je objavljen na web stranici Suda | Raspoloživi resursi u skladu sa funkcionalnim nadležnostima |
| 5. | Podsticati i unaprijediti proaktivnu transparentnost u radu Apelacionog suda Brčko distrikta BiH | Web uredništvo Apelacionog suda Brčko distrikta BiH, portparol Pravosudne komisije Brčko distrikta BiH | Kontinuirano | Broj održanih Konferencija za štampu putem kojih je javnost informisana o radu Apelacionog suda Brčko distrikta BiH | Raspoloživi resursi u skladu sa funkcionalnim nadležnostima |
| 6. | Aktivno informisanje građana o radu Suda uz promovisanje pozitivnih primjera postupanja po prijavama građana u slučajevima korupcije | Web uredništvo Apelacionog suda Brčko distrikta BiH | Kontinuirano | Informacije se redovno objavljuju na web stranici Suda ili kroz izjave za medije | Raspoloživi resursi u skladu sa funkcionalnim nadležnostima |
| 7. | Uspostaviti otvorene komunikacijske kanale u Apelacionom sudu Brčko distrikta BiH u cilju prijavljivanja korupcije | Apelacioni sud Brčko distrikta BiH | Kontinuirano | Uspostavljeni komunikacijski kanali putem e-maila: prijavakorupcije@asbd.ba | Raspoloživi resursi u skladu sa funkcionalnim nadležnostima |
| 8. | Unaprijediti efikasnost u postupanju po predmetima s obilježjem korupcije putem vrednovanja složenosti rada na kompleksnim koruptivnim predmetima | Apelacioni sud Brčko distrikta BiH | Kontinuirano | Unaprijeđena efikasnost postupanja sudova po koruptivnim predmetima uvođenjem mehanizama za vrednovanje složenosti rada | Raspoloživi resursi u skladu sa funkcionalnim nadležnostima |
| 9. | Analizirati postojeći sistem praćenja rada sudija u predmetima koruptivnih | Predsjednik Suda, predsjednik Krivično- | Kontinuirano | Analiza izvršena, utvrđene mogućnosti za poboljšanje | Raspoloživi resursi u skladu sa |

| | | | | | |
|-----|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------|--------------------------|------------------------------------------------------------------------------------------------|-------------------------------------------------------------|
| | krivičnih djela s ciljem utvrđivanja mogućnosti za njegovo poboljšanje | prekršajnog odjeljenja | | sistema praćenja rada sudija | funkcionalnim nadležnostima |
| 10. | Pojačati interni nadzor u onim oblastima rada u kojima je ustanovljen rizik od korupcije | Predsjednik Suda, sekretar, šef administracije | Kontinuirano | Nadzor nad radom zaposlenih, povećan kvantitativno i kvalitativno u odnosu na prethodni period | Raspoloživi resursi u skladu sa funkcionalnim nadležnostima |
| 11. | Napraviti procjenu potreba sudija i stručnog osoblja za dodatnim specijaliziranim obukama u oblasti korupcije | Predsjednik Suda, predsjednik Krivično-prekršajnog odjeljenja | Kontinuirano, 1 godišnje | Izvršena analiza i donesene odgovarajuće preporuke | Raspoloživi resursi u skladu sa funkcionalnim nadležnostima |
| 12. | Provesti analizu internih mehanizama čuvanja tajnosti i informacija sa posebnim osvrtom na čuvanje informacija u vezi sa provođenjem posebnih istražnih radnji | Šefovi sudskih odjeljenja, Sekretar suda, šef administracije, službenici IT | Kontinuirano, 1 godišnje | Izvršena analiza i formulisane odgovarajuće preporuke | Raspoloživi resursi u skladu sa funkcionalnim nadležnostima |
| 13. | Analizirati postupak postavljanja branilaca po službenoj dužnosti u predmetima pred Sudom i postojeći mehanizmi nadzora nad provođenjem procedure postavljanja branilaca Na osnovu analize izvršiti procjenu rizika od koruptivnog ponašanja u vezi sa postavljanjem branilaca po službenoj dužnosti i formulisati odgovarajuće preporuke | Predsjednik Suda, predsjednik Krivično-prekršajnog odjeljenja | Kontinuirano, 1 godišnje | Izvršena analiza i formulisane odgovarajuće preporuke | Raspoloživi resursi u skladu sa funkcionalnim nadležnostima |



PREDSJEDNIK SUDA

Damjan Kaurinović
Damjan Kaurinović